

BERNARDINI

TELESII

CONSENTINI,

DE MARI,

Liber Vnicus.

*Ad Illustriss. Ferdinandum Carrafam,
Soriani Comitem.*



NEAPOLI,

Apud Iosephum Cacchium. 1570.

BERNARDINI

T E L E S I I

CONSENTI

D E M A R T I

Libertatis

Ad Illustriss. Ferdinandum Carolum
Sorum Comitem



M E A F O R

Apud Josephum Carolum . 1 2 2 0 .

ILLVSTRIS. FERDINANDO 10
CARAE SORIANI COMITI.

BERNARDINVS TELESIVS

S. P. D.




VM primùm literas tuas accepi, quibus de-
clarabas te in iis, quæ de Mari ab Aristotele
tradita erant, acquiescere minimè posse, &
quid de eius natura, & motibus sentirem,
ad te conscriberem mandabas; & si plurimis
(ut nosti) opprimerer molestiis, tibi tamè, ut morem gere-
rem, tuiq; desiderio satisfacerem, commentarium, quem
iam pridem de eo conscripseram, rudem adhuc, quantũ
per præsentes occupationes licuit, poliui: & præter morè
nostrum, prius quæ ab Aristoteli tradita sunt, in eo expo-
nuntur, examinanturque, ut facile homines intelligerent,
iure te in iis acquiescere non potuisse: tum nostra apponũ-
tur. Perleges uerò tu illum, & si tibi probatus sit, talisq; ui-
sus, qui, & tuo sub nomine in lucè prodire queat, prodeat.
Neque enim, quæ tu admittenda decreueris, alii, ut dānent
uereri licet; libens certè confectum tibi opus, qualecunq;
id sit, accipies; summam in eo meam erga te caritatem,
obseruantiamque intuitus, & grati animi signum cùm
erga te, tũ & erga Illustrissimos parentes tuos, Alfon-
sum Nuceriae Ducem, uirum unum omnium optimum,
constantissimumq; & Ioannam Castriotā, quæ cùm maxi-
mè fortunæ, corporisq; bonis affluat, & tātis omnino, quā
tis plura ne optare quidem liceat: si cùm alias eius animi
virtutes, tum uerò, quæ ægrè simul coire uidentur, lenita-
tem, sublimitatemque summè in illo coniunctas, penè &

nouum factas quis inspiciat, uix illorū splendorem intueat-
 tur: ut mihi quidem nostræ ætatis homines nihil ea ama-
 bilius, nihil etiā diuinius conspiciere possē uideātur. Hæc
 uerò tu eius, parentisq; tui splendorē, summamq; utriusq;
 generis claritatem ne nouis luminibus non illustres dubi-
 tandum est quicquā: Nam mihi quidem te, illosque intuen-
 ti, quæ in illorum utroque corporis, animique bona sunt,
 ex utroque hausisse uideris omnia: minimeq; uel eorum,
 uel aorum gloria, uel tantarum opum possessione, totue,
 ac tantorum populorum dominatione contentus tuo tibi
 ut studio, tuoque labore, nouum decus, nouosque hono-
 res acquiras summa attendis cum diligētia; Age uerò qua
 cœpisti perge, & mihi crede, non summam modò gloriā,
 sed ueram adipisceris felicitatem, summæ nimirum fortu-
 næ summam adiciēs sapientiam. Vale.

ILLVSTR. IO ANNI HIERONYMO
AQUEVIVIO HADRIANENSIVM DVCII.

BERNARDINVS TILESIVS

CONSENTINVS S. P. D.



MULTOS equidem iam annos sum-
ma te prosequor ueneratione, sum-
moq; tui uidendi desiderio teneor;
Neq; enim unus, aut alter te cum
ceteris animi bonis, uirtutibusq;, tu uero diuino
sanè ingenio iudicioq; longe acerrimo praditum,
disciplinisq; omnibus apprime ornatum mihi
pradicaui; sed communis omnium consensus,
& eorum praecipue qui & te magis norunt, &
qui, quae in te sunt, bona reliquis exquisitiùs in-
tueri possunt: in primis Marius Galeota qui
uir & quantus? hic quidem te non summi aeta-
tis nostra hominibus, sed antiquis illis haeroibus,
ac diuinis uiris conferre nihil ueretur. Nec ue-
rò Remp. uel manu, uel consilio adiuuandi occa-
sionem nactus si sis umquam, quin illorum gloriã
exaques, aut etiã exuperes dubitat quicquam.
Admirabilem scilicet intuitus naturam tuam,
& cùm

Et cum reliquarum honestarum disciplinarum,
tū uero philosophiae studiis diu, summaq; excul-
tam diligentia: summa itaque erga te charita-
te, ac ueneratione summoq; tui desiderio me in-
flammauit. Quod si per molestias, quibus mul-
tos iam annos assidue opprimor, mihi licuisset,
promptius mihi crede ad te, quam ad fortuna-
tissimos reges aduolassem: Et praesens animi mei
propensione erga te patefecissem, ac dedidissem
omnino me tibi: Id quando adhuc facere non li-
cuit studiorum meorum monumentum quippiā
tibi offerre uisum est, quod mea erga te obserua-
tiae signum esset: Itaq; commentarium de Colo-
rum generatione ad te mitto: libens spero manus
qualecumq; est accipies, in quo nimirum homi-
nem, qui te nunquam uidit, uirtutum tuarum
pulchritudine, ac fulgore incensum intuebere.
Nam si probatus tibi ille fuerit, Et per obscurā
adhuc, ut uidetur, colorum naturam, exortūq;
patefecerit, id uero opibus à te omnibus carius
aestimatum iri certo scio; ut qui Illustriss. ma-
iorum tuorum more rerum cognitionem rebus
omnibus, ac regnis etiam ipsis prehabendā sem-
per duxeris. Vale.

ST. JOHN'S COLLEGE
DAVIDSON

12



THE LIBRARY OF
ST. JOHN'S COLLEGE
DAVIDSON
N.C.

THE LIBRARY OF
ST. JOHN'S COLLEGE
DAVIDSON
N.C.

BERNARDINI COSENTINI

DE MARE.

Mare non propria natura salsum esse, sed dulcibus eius partibus à Sole in vapores actis, & calida, sicq; exhalationis commixtione salsum esse factum, & perpetuò tale fuisse Aristoteli uisum.

Cap. I.



AVS A, inquit, Aristoteles, quæ antiquiores adduxit, ut Mare uniuersum aquæ principium, & corpus esse existimarët, hæc est: Nam consentaneum uideri potest, quoddã totius aquæ corpus esse, quemadmodum, & aliorum elementorum moles coagmentata est, & principium, ob copiam, unde distributa mutatur, & alijs admiscetur: ut ignis quidem in supero loco; aeris autë copia in eo, qui est citra ignem; Terræ corpus id, circa quod, omnia hæc sunt manifeste posita: ex quo constat eadem ratione, de aqua, & necessario inquirendum. Nullum autem, aliud tale collectum corp⁹, præter maris uastitatem, ut cæterorum elementorum, positum uidetur. Amnium enim, nec collectum est, nec manet, sed ueluti quotidie gignatur, semper conspicitur; Mare igitur humidorum, & totius aquæ principium esse, ob hanc dubitationem uisum est. Quo circa, & flumina non tantùm in ipsum, sed ex eo fluere aliqui inquiunt: quod enim salsum est, si coletur fieri potabile. Huic autem dubitationi, dubitatio altera opponitur; quid tandem causæ sit, cur aqua hæc simul stans, potabilis non sit, sed salsa, si quidem totius aquæ principium est? causa, inquit, maris salsedinis propositam dubitationem soluet, & efficiet, ut primam de mari existimatione rectè & necessario sumamus. tum illam explicans; quoniã, inquit, aqua circa Terram, quemadmodum & circa eam aeris globus, & circa hunc, qui dicitur ignis, obtenditur, Sol autem, hoc modo feratur, ob eamque causam mutatio existat, & ortus, atque interitus; id quod tenuissimum est, & dulcissimũ quotidie effertur, secerniq; , & in uaporem mutatum superiora petere uidetur, illic autem rursus ob frigus cõcretum iterum defertur, idq; natura perpetuò facere (ut antea dictum est) instituit. Itaque, inquit, quod potabile

2. M
T. 6

T. 7

T. 10

tabile est, & dulce, uniuersum ob leuitatem attollitur, quod autem falsum est, præ pondere subsidit, non in suo ipsius progrio loco: etenim existimandum est, de hoc rectè dubitatum esse, absurdum nanque est, nisi aliquis aquæ, ut cæterorum elementorum, sit locus: atque hanc esse solutionem: is enim locus, in quo contineri mare cernimus, maris non est, sed potius aquæ. Maris autem uidetur, propterea quod pars salsa subsidit præ pondere, dulcis uerò, ac potabilis, ob leuitatem attollitur. Quapropter & flumina in eum locum omnia influunt, & omnis aqua quæ gignitur, in id enim quæ maximè cauum est, talemque terræ locum mare obtinet; sed alia pars uniuersa à Sole celeriter attollitur; alia relinquitur, ob eam; quæ dicta est causam. Hunc ergo aquæ locum esse, & non maris; & quamobrem pars potabilis, præter eam quæ fluit, occulta est; alia uerò pars maneat; cur item Mare aquæ potius sit finis, quam principium, his à nobis traditum sit. De eius autem falsedine, & utrum perpetuò idem sit, an non fuerit, nec futurum sit, sed deficiet, dicendum est: hoc enim modo aliqui sentiunt omnes quidè genitum esse uidentur fateri, si quidem & mundum uniuersum; simul nanque eius ortum faciunt. quare constat, si uniuersum semipiternum est, non aliter de mari existimandum esse; ijs certè, qui mare generant, eius falsedinis causa reddi minimè potest. Nam si illius, qui terram ambibat, & à Sole sublatus est, humoris omnis residuum, Mare effectum est; necesse est aqua illa, quæ in uaporè conuersa est, rursus adueniente, cum æqualis sit multitudo, iterum dulcescere. Si autem terra admista, salis saporis causa ponatur, ut quæ saporibus multis prædita, in mare à fluminibus deferatur; absurdum ijs est, flumina quoque salsa non esse. Satis porrò, ex his æternò tēpore, & ueluti à principio falsum extitisse mare, demonstratum. At non & falsedinis itidem causam satis explicatam existimans Aristoteles: si quidem, ut ipse ait, si dulciū abscessu partium falsum fiat mare, earum accessu iterum dulcescere oportet. alienum quippiam, falsum fiat, minimèque à fluminibus deferatur, uidendum mari intuitus. Quoniam, inquit positum est, duplicem esse exhalationē, alteram humidam, alteram siccam: constat hanc rerum huiusmodi principium existimandam esse: & multis quidem signis perspicuum est eiusmodi saporem, ex commistione quapiam existere: in corporibus enim quod minimè coctum est, falsum est, & amarum: nec aliter se habet in ijs, quæ adurantur; quod enim à calore euictum non fuerit in corporibus excrementum efficitur: in ijs autem quæ adurantur cinis. Atque hæc causa est cur nonnulli ex a dusta

adusta Terra mare fieri inquant. quod hoc quidem modo dicere absurdum est, at illud uerum; ex eius scilicet, generis Terrę falsedinem mare accipere posse; nam, ut in his, quę dicta sunt; sic etiam in uniuerso, ex ijs, quę nascuntur, & natura gignuntur animo semper concipiendum est, eius generis Terram, quin & omnem aridę Terrę exhalationem remanere; quale id est, quod ex adustis restat, ea enim hanc ingentem halituum copiam suppeditat. Quoniam autem inter se, ut diximus, uaporosa, & sicca exhalatio admistę sunt, cum in nubem, & in aquam illa cōcreuerit, aliqua semper huius facultatis copia unā comprehendatur, & rursus unā cum pluuia deorsum feratur necesse est. Nec ex ijs tantum quę dicta sunt, perspicuum est, inquit, falsitudinem in quadam mixtione positā esse, uerum etiam ex eo, quod si quis cereo uase effecto, eiusq; ore talibus rebus obturato, ut maris nihil illabatur, in mare illud posuerit, id quod per cereos parietes ingreditur, aqua dulcis redditur. quod enim terreum est, & falsedinem ex admistione facit, ueluti colatum secernitur. hoc uerō & ponderis causa est, & crassitiei. Hęc Aristoteles de mari, deq; eius falsedine, è quibus aquę elementum mare positum Aristoteli fuisse intelligere etiam licet, at quando Peripateticorum non nullis secus uidetur; diligentius omninō, quę fuerit illius sententia, inspiciendum est: nam si utrauis ea fuerit, quin in absurditates longē maximas Peripatetici incidunt effugere non possunt, at ut in quibus uerē Aristoteles damari possit nota fiant, inquirenda omninō eius sententia uideri debet.

Mare aquę elementum Aristoteli posuim esse.

Cap. 2.



MARE aquę elementum positum Aristoteli esse manifestē, ut uidetur, patet; Antiquorum enim rationē, quę aquę uniuersitatem ipsum statuit, propterea q̃ rationi congruunt sit, aquarum itidem molem, cuiusmodi aliorum elementorum existit, unitam, stabilemq; oportere esse, præter morē suum nihil reiicit, ac ne reiicere quidem teneat, quin admittendam omninō decernere uidetur. exposita igitur, dubitatione quę illorum rationi aduersari uidebatur, falsedinis, inquit, causa inspecta dictam dubitationem soluet, reiicietq; , & efficiet, ut primam illorum ratiocinationē; quę mare aquę elementum statuebāt, rectē necessariō sumamus:

nam

nam alteram qua flumina è mari effluere opinabantur, reiiciendâ omninò decreuerit Aristoteles, illud uerò ex eò, quòd salus maris sapor nò eius aquæ proprius, naturalisq;: sed ex accidente quopiam factus uidebitur, ac si diceret si quidem propria natura falsû esset mare, rectè dubitatum foret minimè aquæ id elementum poni posse, dulcis potabilisque; at quoniam propria falsum factum uidebitur, quòd dulcioribus sui partibus à sole spoliatum est, & calida, siccaq; exhalatio à pluuijs delata illi admista; nequaquam propterea quòd falsum est, aquæ elementum uideri non debet: neque enim quæ elementa Aristoteles ponit, impura ea alienisque rebus commista ponere ueretur: quin uno tantum igne excepto reliqua omnia impura esse decernit. mare igitur non propria natura falsum esse affirmans, & à quibus falsum fieri queat, summa inquirens diligentia; antiquorum omninò ratione comprobare, & aquæ omnino ipsum elementum ponere uideri debet: at perpetuò illos in sectandi studio, & ambitionis omninò stimulis exagitatus; id illos incusare, quòd non è loco in quo positum est mare, aquæ id esse uniuersitatem declararint: aquæ, inquit, quod potabile est; & dulce uniuersum ob leuitatem attollitur; quod autem falsum est præ pondere subsidit, non in suo ipsius loco: etenim existimandum est de hoc rectè dubitatum esse; absurdum nanque est, nisi aliquis aquæ, ut reliquorum elementorum sit locus; atque hanc esse solutionem; is enim locus, in quo contineri mare cernimus, maris non est, sed potius aquæ; ac si diceret, commodius ex aquæ loco, quæ aquæ sit uniuersitas intelligi posse; magis enim proprium aquæ locum, quàm eius uniuersitatem simul collectam, esse oportere, rationi congruum sit; propterea enim fortè simul aqua uniuersa colligitur, sibiq; omnis coit; quòd uniuersa in proprio loco esse uult: Ad proprium, inquit Aristoteles, locum ferri unum quodque ad suum simile, & suam formam est ferri; & sic utiq; quis existimabit, id quod dicebant antiqui, simile ad simile ferri: hoc enim non accidit omninò, non enim si quis Terram transmittet, & iuxta Lunam collocet, ad ipsam ferentur partes: sed ad eundem locum, ubi nunc existit: ut quod dictum est, id antiquiores incusâdi Aristoteli uideri potuerint; quòd non è maris loco, sed ex eius magnitudine aquæ elementum id statuerint: si quidem elementorum paribus proprius locus magis, quam propria uniuersitas, proprius sit. Nusquam igitur antiquiores damnare, quòd mare aquæ elementum posuerint, uidetur Aristoteles, sed quòd non ex eius loco id declararint. Et uel ibi, mare aquæ elementum Aristoteli positum

fitum esse, quæ statim subdit, manifestissimè declarant: quasi enim causam reddens, cur in proprio aquæ loco uera aqua, & potabilis, qualis sui est natura, non sit: sed falsa; à mari, inquit occupatus est aquæ locus; quoniam, quod in aqua falsum quidem est, subsidit propter grauitatem; dulce autem, & potabile propter leuitatem sursum ducitur: & paulò inferius, constat inquit, hunc esse aquæ locum, & non maris; & quam ob rem pars potabilis, præter eam quæ fluit occulta sit: sunt enim ac si diceret, totius quidem, puræque aquæ is est locus; sed crassior, grauiorque eius pars, illum occupauit, quòd tenuiore, leuioreque sursum à Sole acta, ipsa modò reliqua facta est; Quoniam uidelicet, aquæ elementum, ncluti, & terræ, aerisque, & ignis positum Aristoteli erat; & in terræ illud superficie locatum, multoque terra maius factum, & nullam aliam aquarum molem, cui illud assignare posset, præter maris uastitatem intueri poterat: mare itaque necessario aquæ elementum sponendum intuenti; modis utique quibus poterat omnibus falsum eius saporem, ex accidente quopiam ei inesse declarandum omnino fuit: qui nimirum si maris proprius sit, aquæ id elementum dulcis, potabilisque ponere prohibeat, id omninò quacunque potuit moliri uidetur ratione. Et aquæ igitur, quæ ut penitus similis non sit, & eadem tenuitate, eodemque omnis donata sapore, nullis certè sui partibus æquè mari crassa, minus etiam falsa ullis uideri potest: & quæ à calore quauis expoliata tenuitate, nec crassescere, nec falsa unquam, quin tenuior assidue, dulciorque fieri uidetur. partes indere nihil ueretur: quæ à tenuioribus Solis opera seiunctæ, adeò crassæ, adeoque sint falsæ: inuitus, ut existimare licet, at necessario: neque enim aquæ elementum mare ponere liceat, nisi maris falsedo aquæ insit, & nequaquam in hoc acquiescere potens, quoniam enim quæ è mari assidue educitur tenuitas, in aquam ea rursus coacta tenuem, dulcemque mari iterum restituitur: quod itaque si illius abscessu crassum, falsumque fiat. eius accessu tenue iterum fiat, dulceque: Terram illam incoctam, adustamque nusquam quidem conspectam, è terræ latebris eruere nihil reformidat; ex ea ut exhalationum copiam educat, à qua cum pluuijs delata, falsum, crassumque fiat mare: nihil omninò intentatum relinquendum, incommoda quæuis sustinenda esse existimans, modò nec marinæ aquæ falsedo propria eius sit; nò aliam porro id ob causam, nisi ut mare aquæ uniuersitas poni possit, nisi enim id pro-

B. 177. fitum

situm Aristoteli fit, nihil uel ulla maris passio, uel alienum ullum,
 à quibus falsum id fiat, inquirendum illi erat; quod ni mirum
 propria natura tale esse statuere poterat; neque enim quin terra
 in aquam falsam: amaramque à sole inuerti queat dubitandum,
 aut non enuntiandum Aristoteli erat, in sal, sulfur, bitumenque,
 tum & in tenuissimos callidissimosque; uapores è quibus ignis ele-
 mentum constitui Aristoteli uidetur, inuerti assidue illam intuen-
 ti, prædicantiq; , ut modis multis Peripateticorum nonnullos mi-
 rariliceat, quibus mare aquæ elementum non esse declarandum
 Aristoteli propositum uidetur: qui scilicet, quem numinis instar
 uenerantur Aristotelem ignauum eum faciunt, inertemque: tum
 & stupidum etiam, stolidumque: qui nimirum quod declarandū
 proposuerat, declaret nunquā, quin, quod unum statuere id pote-
 rat summo id euertat studio: & quod si declaret, uel mundi ei cō-
 structio, & ipse destruat mundus, uel uniuersa eius doctrina dis-
 soluat, neque enim quod mare aquæ elementum non esse decla-
 ret, præter illius falsedinem allatum est Aristoteli quicquam; at eā
 non propriam maris esse, sed ex accidente quopiam, & alieni om-
 nino commistione ei inditam esse contendens, apertè nihil obsta-
 re, quin mare aquæ uniuersitas poni possit decernit: tum libens
 incommoda subeat, quæ minimè omnium sustinere ipse uelit: in
 proprio nimirum aquæ loco alienum ponat ens; & aquam ipsam
 ad eum delatam nequaquam ibi seruari, perficique, sed corrup-
 pi statuat, destruique. Tum & aquæ inolem à qua adeo Terram
 excedi; & quam eandem iuxta propriam uniuersitatem perpetuè
 seruari oportere decernit, uel nullam ponat, uel fluuijs eam; lacu-
 busque, qui nullam prorsus Terræ rationem habere uideri possunt,
 & qui assidue generari, & uix geniti corrumpi uidentur, assigner,
 oportet: At uel ipsi ijdem Peripatetici Aristotelem audientes, in ea
 Terram ab aqua excedi oportere ratione, qua Terræ portionem,
 quæ ex ea fit, aqua exuperare rare apparet; & ppter ea Terræ decu-
 plam aquam esse oportere ratiocinati, anxie maris fundum rimā-
 tur, & immensum illum sub polis effingunt ut qui nisi mare aquæ
 elementum ponant, & immensum illius faciant fundum, aquæ ele-
 mentum Terra maius ostendere minimè queant: uelint igitur no-
 lint aquæ uniuersitatem mare positum Aristoteli fatentur: At alij:
 & longè ij quidem præstantissimi, mare aquæ elementum Aristo-
 teli positum, & necessario ponendum nihil dubitant, Terra longè
 maius, & in loco circa Terram Aristoteli positum. Ipse certè Aristo-
 teles propositam de mari quæstionem absoluens manifestè aquæ
 elemen-

elementum ponit mare ex his, inquit, quæ posita sunt, constat mare aquarum principium non esse, sed finem; Aquæ nimirum uniuersitatem esse, at non quæ aquæ ex eo effluant. Sed quòd ad ipsum confluant omnes. id quod & ignis, & aeris uniuersitati euenire. Aristoteli uideatur necesse est. Si quidem qui in terra, marive ignis fit, atque aer ad propriam uterque uniuersitatem. at nulla illorum portio ad Terræ, marisue ima deferri inde Aristoteli uideri potest; ut & illorum moles, non quòd illorum partes inde delabantur, & ut illorum omninò principium, sed ut finis, & ad quem ignis, atque aer ubi uis factus confluit omnis, illorum elementum Aristoteli ponendum omninò sit. Ingenitum præterea, æternumque, & iuxta propriam uniuersitatem, speciemque; idem perpetuò ponens Aristoteles mare, ea nimirum mari tribuens, quæ elementorum propria sunt, manifestè aquæ ipsum ponit elementum.

Mare nec tenuium, dulciumque partium abscessu, nec calide siccaeque exhalationis commissione crassum factum esse salsumque. Cap. 3.



MARE non propterea crassum esse, salsumque, quòd tenuioribus, dulcioribusque sui partibus à sole spoliatum sit; satis quidem inde intelligere licet, quòd, quæ ex illo à sole educitur tenuitas, in aquam ea rursus coacta tenuem, dulcemque iterum illi restituitur, & cum fenore mehercule; Siquidem, & quæ è uaporibus è terra eductis fit aqua, magna ex parte à fluminibus in mare deferitur tandem; quod itaque, si (ut dictum est) tenuiù dulciumque partium abscessu crassum fiat, salsumque earum accessu iterum tenue fiat; dulceque, & eò Aristoteli etiam magis, quòd semper crassi, salsi que aliquid omninò simul extrahi ei uidetur, & in aquam id cogi tenuem, dulcemque: semper, inquit, salsi pars cum dolci attollitur, idque ubi in uaporem abiit potabile fit: nam non in maris aquam illum concrefcere, uinum docet, & humores euaporantes, quorù omnium uapores ubi coeunt in aquam crassescunt omnes: ut non modo dulce sui natura, & potabile aquæ elementum, minimè propterea salsum fieri queat; quòd dulces eius partes à sole educuntur, sed salsum sui natura si sit, dulcescat tandem, salis sui partibus assidue eductis, & dulcem in aquam actis: At multo, ut uidetur idem priùs, multoque etiam proximius, ex aqua manifestum fit, quæ à calore in uapores soluitur; nulla enim illi unquam à ca-

lore quouis, & quouis passa modo crassescere, uel falsa fieri uidetur: sed in uapores agi omnis; nulla interea crassitie, nullaque donata falsedine; quin tenuior assidue facta, dulciorque: nullis scilicet sui partibus crassa aqua, falsave; sed bene tenuis uniuersa, dulcisque, & exiguum quid à uaporum natura disidens, maris omnino, uaporumque ueluti media, in eos dum agitur, nihil interea ulla sui parte crassescere, nec falsescere & iam potest, non eam morata caloris actionem, à qua falsa fieri queat: prius nimirum in uapores soluta, quam is ei indatur calor, à quo falsa fiat; eo itaque aquæ uniuersitas, quam scilicet aqua omni multò tenuiorem, simplicioreque esse oportet, minus à Sole crassa, minus etiam falsa fiat: minime igitur tenuium, dulciumque partiū abscessu crassum factum esse, falsumque aquæ elementum uideri potest. At multò etiam minus calidæ, siccæque exhalationis commistione; mitto enim quòd nusquam ea terræ adustæ quantitas, à qua ea exhalationis copia fiat, quæ mari uniuerso falsedinem indere queat, spectatur, & quòd adustis, aridisque in terris Aristoteli in primis exhalatio sit longe tenuissima, & quæ tenuissimum ignis elementū huiusmodi constituit: quæ igitur si quidem à pluuijs deferatur, non modò nullam aquis crassitiem, nullumque adiciat pondus; sed multò eas tenuiores faciat, leuioreque: nulli certè dubium esse potest, quin si maris uastitati commista falsedine uidere ei queat, crassitiemque; lacubus, eas fluuijsque indat omnibus; & pluuias, quibus cum descendit, longè falsissimas, longèque faciat crassissimas; quæ, cum rebus quas deferunt exceptæ omnibus, uel autumnales ipse, quibus huiusmodi exhalatio plurima admista esse Aristoteli uidetur, dulces omnino, tenuesque apparent omnes: Nec uerò alieni omnino cuiuspiam commistione crassum, falsumque; uideatur mare, quòd quæ eius pars cereum uas subit tenuis apparet, dulcisque, ueluti percolata: & re omnino exuta, quæ crassitie, falsedinemque indit: Quoniam enim maris aqua assidue à Sole attenuatur, & in uapores assidue agitur, quæ uas subit, marina omnino aqua à Sole tenuior, & propterea dulcior facta uideri potest: uel quæ forte talis à principio facta est: neque enim è non penitus uniformi terra, & à calore non summo penitus uniforme, nihilque à seipso differens extractum est mare; uel fluuiialis etiam, neque enim ita marinæ ea immisceri uideri potest, ut ab ea separari seiungi que non possit. Marinam porro aquam tenuiorem factam pro dulci falsam fieri manifestè percipias. si illam in tumū agas: eumque in aquam cogas, marinam nimirum aquam amplior

rem quidem facias, at aliud immutas nihil, dulcem enim eā facies potabilemque, calore uidelicet per amplius diffusio spatium, & propterea exiliore facto, languidioreque.

Mare sui natura salsum esse, & terra dulcium aquarum ritu, & propriis oritur fontibus.



QVONIAM igitur nec tenuiū, dulciumque partium abscessu, nec alieni omnino cuiuspiam commistione salsum factum esse mare uideri potest, tale ipsum propria natura esse omnino statuendum uideri debet, & dulcium aquarum ritu à terra, & ipsum à Sole educi, suisque; & ipsum è fontibus oriri. Nec uerò quin falsā, tantamque in aquā terra à Sole inuerti queat dubitandum: non alias modò in res, ut dictum est, agi illam intuentibus, quæ & tenuitate, & propria natura longè quàm marina aqua à terra dissident magis, sed ipsum etiam in sal, quod, ut in libris de rerum natura declaratum est, effluere omnino constitutum uideri debet, crasso, falsoque, tenuioribus sui partibus à robustiore calore spoliato; nec, ut in iisdem amplius expositum est commentarijs, ea marinæ aquæ existit moles, quàm è terra à Sole educi posse intelligere non liceat: nihilo enim terra amplius mare breuissimum certè esse uniuersum, nec uel Oceanum ipsum unius omniud stadij altitudinem exæquare, & à nauigantibus habemus, & cœruleus in uniuersum eius color declarat, qui mari inesse apparet, nihil dicto spatio profundiori, nam ubi paulò altius fit, nigrum ibi spectatur, obscurumque; & tale porrò certis modò apparet in locis: at terræ semidiameter quibus breuissimus uidetur, duodetriginta milia stadiorum altitudinem exequat, alijs longè èt est maior: quod nisi assidue è terra enascatur mare, tot tantisque; dulcibus aquarum fluxibus assidue illabentibus, & salsis etiam sui partibus à sole in uapores actis, iisque; dulcem in aquā coactis, dulcescat Aristoteli tandè, rum & deficiat etiā ei tādè è Boreali sublimiore assidue effluens terra, necesse sit. Nec uerò quod maris fontes conspicui non sunt, non, & ipsum è suis fontibus emanare uideri Aristoteli debet; quid enim ueluti, & lacus omnes, aut eorum plerique; non è suppositis fontibus affluere queat? & ita omnino effluere suo demonstrabitur loco.

Mare aquæ elementum uideri non posse, nec Aristoteli uideri debuisse,
 nec recte causam ei explicatam esse, cur tot illibentibus
 in spiritum aquis minimè excreseat,
 mare. Cap. 5.



RASSVM porro, salumque sui natura existens mare,
 quam longissimè abest, uraque uniuersitas uideri pos-
 sit, tenuis dulcisq; Aristoteli certè poni minimè debuit,
 cui nimirum propterea mundi constructio, quam uide-
 mus & ipse seruari uidetur mundus, neque à principio uno oecu-
 pari omnia. quòd prima illius corpora æqualibus prædita sunt ui-
 ribus, eorumque singulis sua adsunt contraria; quæ æquali robore
 repugnant, obluanturque; cui igitur timendum fuit, ne altero è
 frigidis corporibus calido facto, quacunque tale factum sit ratio-
 ne, à calore tandem occupentur omnia, & omnia unum fiant, uel
 tartarus igitur quispiam in terræ imis ei effingendus, uel aqua per
 terram fluens aquæ elementum ponenda: horum neutrum si pro-
 priæ ipsius positiones sustinere poterant: Si quidem mundum suo
 arbitrato effingere, construereque propositum homini non erat, di-
 mictendæ illæ omnes erant; & nequaquam quatuor ponenda pri-
 ma corpora, & unum ex ijs à summo frigore, summaque consti-
 tutum humiditate. At neque causam explicans, cur tot aquarum
 fluxus assidue in mare influentes nullam maris adijciant magnitu-
 dinem, & nunquā omninò maius fiat mare, laudari Aristoteles po-
 test; propterea id euenire statuens, quòd in maris illi illapsi uasti-
 tatem citò arefcant, modicæ aquæ more super magnam mensam
 sparæ: eadem, inquit, aquæ copia, quæ in latitudinem expansa sit,
 & quæ simul collecta, nō æquali tempore reficcatur, sed usq; adeò
 differt, ut hæc quidem integrum diem permaneat, altera perinde,
 ac si quis aquæ cyatum super magnam mensam effuderit; simul ac
 id cogitauerimus, tota euanescet: id quod fluminibus quoq; usu
 euenit. illis enim continenter collectim fluentibus, id quod in ua-
 stum, latumque locum peruenit, citò semper, ac occultè exicca-
 tur; neque enim terræ, uel entis cuiusuis molem ab infusa aqua au-
 geri dubitare licet; uel si eius incrementum lateat, nisi fortè & per
 exigua aqua infundatur, statimque ea inde euaporetur quæ flumi-
 nibus in mare illabentibus haud quaquam euenire uideri possunt:
 magnam omninò eorum moles, & quæ assidue aucta maris ipsius
 magnitudinem breui exquare, nec statim ac mari immiscetur, in
 uapores agi uideri possit; quòd si etiam fiat, nihilo tamen minus
 mari

mari molem adijciat: Siquidem uapores è mari educti omnes in aquam rursus coacti rursus ei restituntur, ut nisi in nō ens abeāt, quæ in mare influunt aquæ, & hōc Aristotelici arescant pacto, id quod nec alijs euenire uidetur, nec placere omnino Aristoteli potest; excrescat ab ipsis tandem, & maius omninō fiat mare oportet. Haud recte igitur maris naturam explicasse uidetur Aristoteles. Age porrō, quod reliquam est, eius motus, eorumque rationem explicantem audiamus, examinemusque.

Quibus motibus, & quā ob causam moueri mare Aristoteli uidetur. Cap. 6.



LVERE, inquit, Mare in angustijs uidetur: ubi uidelicet ob ambientem terram è uasto pelago in paruū colligitur; propterea quod ultro, citroque sepius libretur: hoc uero in uasto mari perspicuum non est; at si ob terræ angustias arcto loco contineatur; libramentum, quod in mari exiguum est, magnum illic uideatur necesse est: Id autem quod intra Herculis columnas continetur, totum terræ cōcauitatem, & fluminum multitudine fluit: nam Mæotis in Pontum, hic in Aegeū fluit. Quæ uerō extra hæc maria sunt, hoc minus perspicuè faciunt; illic autem, & propter fluminum multitudinem hoc euenit (plura enim flumina in Euxinū, & Meotide influunt, quā in locum eius multiplicem) & propter modicam altitudinem: Mare nanque profundius subinde cernitur; ac Meotidē quidem Pontus, hoc uerō Aegeum; Aegeo Siculum, & omnium profundissima Sardoum, ac Titrēnum. Quæ autem extra columnas sunt: modicè quidem ob lutum profunda sunt; sed flatibus uacant; quasi mare in cōcauo locatum sit: quæ explicantes Peripateticorum optimi, duplici, inquit, motu fluere mare Aristoteli uidetur, uno qui in angustijs, & fretis cernitur, altero, quo à Septentrione ad Austrū uniuersum defluunt maria: & prioris quidem causam ad maris libramentum refert; quoniam enim inmensa est maris moles, & æqualiter utrinque pendens, non in unam partem magis, quā in aliam declinans, ubi in unam moueri incipit, ponderis æqualitate retractum in alteram partem statim reuertitur: atque ita perpetuò alternatim. Hæc autem maris agitatio in locis apertis, atq; in alto euidens non est; fluxumque conspicuum non facit; in angustijs uerō cernitur: ueluti lictoribus, quæ in angustum ex uastitate contrahuntur motum adiuuantibus; fluxus posterioris duas af-
fert

fert causas: fluminum uidelicet multitudinem, quæ in maria illa Septentrionalia longè plurima, longèque maxima influunt, à quibus penè expulsa Meotis. Pontusque in Aegeum influunt, & hoc in ea quæ consequentur. Tum & terræ Septentrionalis altitudinè, è qua in magis concauam fluant oportet: quapropter Borealia maria breuiora etiam, profundiora quæ consequuntur Aristoteli uidentur: quòd illa in hæc sese exonerent, ueluti, inquit, in terræ partibus è locis æditis flumina fluere uidentur; sic è totius terræ æditionibus, quæ ad Septentrionem sita sunt, plurima fluxio fit: quapropter ob effusionem profunda illa non sunt. loca porrò ad Septentrionem sita excelsa esse eo declaratur; quòd ueterum Meteorologium multis persuasum fuit Solem sub terra non ferri, sed circà terram, occultari autem eum, & noctem facere, propterea quòd Terra ad Septentriones excelsa sit.

Non recte Maris motuum causas ab Aristotele redditas esse.

Cap. 7.



QUONIAM libræ more in hanc modò, modò in illam partem inclinans fluere; resfluere que Mare Aristoteli uidetur, uidendum omninò, num à quibus libra ueluti per uices in diuersas interdum agitur partes, ab ipsè, & mare agi possit. E libræ quidem propterea in hac modò, modò uerò in alteram partem inclinare uideri potest, quòd utraq; ppria natura deorsum fertur, & quin utrauis deorsum feratur à supposito aere retineri minimè potest: ac ita est constructa, ut si altera de labatur, ac tollatur, subleueturque altera; ubi igitur æquis utrinque grauat, ponderibus, tantisper modò hac, modò illac uergit partes; id uerò quòd partes ipsæ non à propria tantum detrahuntur grauitate, sed ab impulsu itidem, quacunque is datus sit ratione: Nò scilicet quæ ab externa tantum deijcitur ui, sed quæ à propria modo grauitate detrahitur pars, uel æque grauem alteram, uel etià grauiorem quid talisper attollit, subleuatque, à delapsis nimirum uiribus aucta, & ueluti grauior facta: at non diu id tamem: neque enim ulterius se attollit: & sublimiore in loco detineri finit altera; sed & ipsa delabirur: nec tandi u id modò, dum equè alteri Terræ proxima fiat, sed inferius etiam & ipsa, ueluti, & ipsius grauitate à delapsu maiore facta; alteramque tantisper, & ipsa subleuat, & tandi utraque modò in sublimius alteram attollit, ab ea modò attollitur, dum partium delapsus languescant, & propria ex tantum

tum decertent grauitate. id ubi factum est, nullam amplius in partem uergit libra, sed immota manet, ne in alteram detrahatur, retēta, coercitaque ab altera: propterea igitur modò hac, alia modò parte interdum libra inclinat, quòd utraq; deorsum natura fertur, & nec in eas diuidi, nec utraq; simul deferri potest quin altera delabente attollitur, subleuaturq; altera. Horù nullū mari euenire uideri potest, in proprio. n. id loco, & in Terræ oīd cōcauis cōtinetur, sibiq; ipsi innititur uniuersum, & ne ulla sui parte inferius delabatur à seipso retinetur coerceturque: nihilq; ut Aristoteli ēt placet parte ulla, uel alijs sui partibus, uel terra ipsa magis sublatū, cōloq; proximius factum, sed uniuersum suprema sui superficie, æquē ab illo cum Terra distans nullam omninò occasionem habet, cur ulla sui parte usquam inclinet. & si id fiat minimè inde ab aliena in contrarium uergentem retrahatur, graue, & bene fluidum, beneq; à seipso diuisibile existens; sed quò semel delapsum est, perpetuò ibi à nulla externa ui impulsū immotum Aristoteli præsertim fiat: cui nimirum prima corpora omnia, & ipse etiam ignis in proprio loco immobilia fieri, & immobilitate gaudere uidetur. Eoq; etiā in angustijs, fretisq; magis; si siquidem, ut Aristoteli placet, libretur. Mare, propterea librari uideri potest, quòd fluxile cū sit, sese continereminimè queat: cō itaque minus libretur, quòd à proximior contineatur terra, & languidissimè igitur id fluat, refluatq; scus, atque euenire uidetur, nec ulla eius pars eo ordine, eaq; celeritate, qua fluere, refluerēque uidetur: ut enim libretur Mare, temerè certè id fiat, languideque, ut, & librari ineptissimum, & uel si libretur, non tamen propterea fluere, refluerēque uideri possit mare: Minus etiam propterea tumesceri, neque. n. parte altera attolli, sed uniuersum simul bullientis aquæ more tumesceri uidetur; nec imaginari omninò licet, à libramento in altum euehi mare: neque igitur Aristoteles ipse maris æstum eius libramento assignare est ausus; quin eius inquisitio pænitus prætermis̃sa homini uidetur: non quidem, ut existimare licet, quòd uel maris tumefactio nō cōspecta, uel eius causa non inquirēda ei uisa sit, sed, ut suspicari quis posset, quòd illam attingere desperarit. At neque maris motum, quo à Septentrione ad Austrum uniuersum ferri uidetur, declarās placere potest Arist. neq; enim Meotis. Pōtusq; in subsequētia maria assiduē delabi uideri possunt, quòd ex æditioribus locis in magis concaua deferantur: qm̃. n. sp̃ærica est terra, nec Borealis plaga nec ulla eius pars alia sublimior, uel humilior uideri potest & summe Arist. mirari licet, inde Borealis terræ altitudinē colligentein,

quodd antiquioribus Meteorologicis sublimius uisa sit; & sub qua sese occultet nocturnus Sol, quos longè minus absurda, & uera interdum proferentes adeò contempnui, ludibrioque habere ubiq; ipse uidetur: Borealis quidem terra nusquã excelsa apparet: sed humillima uniuersa, nullis distincta montibus; plurimi igitur, longeq; maximi aquarum fluxus è Meridionalibus locis in Borealia defluunt maria, talis reor ab uniuersi conditore constituta; ut quã directã solis lux calefacere non potest; unita foueat, collectaque. Neque igitur propterea breuia sunt Borealia maria, quodd terra illa sublimius, sed si talia sunt, propterea sunt, quodd languidior minus illam in mare inuertit Sol: & minus itaq; falsa apparent; assidue certè effluere. Aristoteli uisa; è fontibus, ut dictum est, manare uideri debuere; nisi enim è supposita terra assidue ibi mare emanet, deficiat tandem assidue effluens, & se effundens assidue; neq; igitur Theologi incusandi Aristoteli erant, mari fontes assignâtes: & Oceanus breuis uisus nequaquã in terræ concauo positus uideri debuit; neque enim suppositus latus, qui ut breuis sit Oceanus efficere Aristoteli uidetur; aliunde eò importatus terræ illius profunditatem attollere uideri potest. At neque uentis caret Oceanus, ut Aristoteli uidetur, sed si alibi uspiam, in eo flant, est & ubi idem ferè semper ubi uerò quasi statis, certisq; temporibus alter alterum excipit: lure igitur, ut uidetur, maris, nec naturam, nec eius motum, tumefactionisq; causam explicans Aristoteles satis tibi placet, & utramque nobis amplius inquirendam mandas, obscuras uerò res. quis enim mare subeat, exortum, & quæ ipsum agitent, attolantque uires inrueatur? At tua tum si præfulgeat lux, nihil illas intueri desperetur: agè itaque, tuo mihi mare illustra fulgore, ut tuo per me id munere tuaque hominibus innotescat bonitate.

Mare è terra assidue, à Sole, et non ex omni tamen sed è profunda illa educi, & cur crassum calidumque factum est.

Cap. 8.



MARE, veluti aquas reliquas omnes è terra assidue à Sole educi uel ipsum ut declarat sal: manifeste è fluore constitutum crassiculo, salsoque, tenuioribus sui partibus, uel spontè elapsis, uel à Sole eductis; at & inde ut uidetur, apertissimè patere potest; quodd calidum sui natura, molleque, & fluidum cum sit, & à Sole insuper assidue

assidue in existente tenuitate spoliatur, & magni dulcium aquarum fluxus in ipsum insuant, defluantque: multis omnino modis eius, & species, & natura immutari possit, nec summis in squaloribus, & sub Sole summè directo, uel ubi à fluminibus quàm longissimè abest, crassius salsiusque; nec summis in illuionibus, & iuxta maximorum fluminum fluxus tenuius, dulciusve fieri, sed eadem eius species, eademque perpetuò apparet natura. Non quidè nisi assidue enascens, & copia, roboreque exuperans sui partes immutari iam cœptas in propriam restituat naturam: sed uel uniuersum in sal concreascit longè solidissimum, uel crassius alibi, salsiusque; tenuius alibi, dulciusque fiat: entium reliquorum omnium, calidum præfertim, molliumque, & propriarum etiam partium more: quæ seorsum à propria uniuersitate, uel frigido sub cœlo immutari tandem, à calore certè uel languente in sal agi uidentur. E terra porrò nasci uerum mare: at non aquarum reliquarum more passim è terris omnibus emanare, perque omnes fluere, & in omnib⁹ oïo esse, conspectum, sed certis modò in locis, non ut illè è quauis, & è suprema etiam terra, sed ex ima tantum nasci, & mole exuperans, copiare, assidueque à nouo impulsu in certa uniuersum loca erupisse uideri debet. Et multò omnino quæ illæ crassius, calidiusque, non iisdem in terris, neque à calore eodem sed è crassiore omnino terra; & à languidiore calore, è profundiore nimirum terra educum uideri debet: Quòd si crassam, densamque, & minimè dissimilem rem à languente quidem, at multò occupatam calore ante oculos ponas; profundam sanè terram, in fluorem illam agi tandè manifestè intucare crassum, salsumque, paulatim enim lenteque, & omnis simul emollita, nullisque eius partibus in summam actis tenuitatem, neque ita alijs prius attenuatis, ut è densa, crassaque re effluere possint: quòd ubi fit, in crassitiem quòd reliquum est agi interdum apparet, in fluorem, ut dictum est, tandem agi uideatur uniuersa, crassiusculum illum quidem, beneque calidum. Quòd si non tanta in fornacibus agat ignis, & in lapidè agat minus dissimilem, & magis crassum, magisque uiscosum: cuius scilicet, si quidem partes ullas alijs prius attenuet, nec summè tenues faciat, nec egressum ijs elabentibus aperiatur, retentæ itaque, & reliquis non dum in fluorem actis, at emollitis iam aglutinentur; dum, & ipsæ in eundem agantur fluorem non in calcem sed in aquam, & ipsæ agantur crassam: salsamque, & amaram. Multò certè in eam aniplius profundior quæ est Terræ, bene, ut dictum est, similis, & non supremis sui partibus magis, nec prius, quæ in-

ternis à calore emollitus, qui è supremis terrę partibus. ad ipsam delatus est, ipsique inditus, languens is quidem, at multus tandē. Et ex huiusmodi omninō terra mare educi, aquę omnes declarāt, quę è suprema quidem terra, at crassa, densaque cuiusmodi Appula apparet, emanent; quę scilicet crassiusculę sunt omnes, salęque. At necessario crassum, calidumque imis è terris erutum mare, summē consultō tale factum uideri potest; huiusmodi enim existens, & proximas oras calefacere, & bene tenuis ex huiusmodi par usque aer educi uidetur: neque enim crassiori egressum præbeat: at tenue si sit, minusque calidum, cuius itaque proprius calor, & ab ambictis proprio frigore interimi, superative, & è quo qui à Sole inditur, quod terrę euenire nō videtur, facile elabi queat, summē, quod stagnantes aquę faciunt adiacentes terras frigore afficiat, & ueluti ex stagnantibus aquis adēdō ex illo, crassus elaboratur aer, ut hominum saltem genus sub eo uiuere minimē possit, ut nunquā rerum conditoris sapientiam satis mirari, aut amare bonitatem queas, qui eo mundum construxit pacto, ut quę necessario etiā fiunt, consultō, & meliores omnino, nostrique boni gratia facta uideri possint.

Cur aquę marinę dulcibus copiosiores, & cur tot illabentibus in ipsum fluminis maius non fiet mare. Cap. 9.



V R E igitur marinā aqua adēdō dulces, copia exuperat, ut nulla illius pars hæc uideri possint; si quidem supremę terrę partes profundioribus ambitu quidē ampliores uideri possunt, atē dimidio, ut uidetur, à mari occupatę minores omnino uideri debent. Nec è tanta fortē terrę altitudinis portione aquę dulces, è quanta salę fiunt: suprema certē terra uariē iam à Sole emollita, & uariē eius luci exposita, & non ab absi- dua ea, nec æquē perpetuō directā calefacta, in longē diuersissima entia; q. fieri apparet, inuerti omninō: & uel quę in aquas acta est, nullo ferē temporis momento, in uapores. agi ab æstiuo præsertim Sole uideri potest. At non & profunda itidem, ad quam scilicet nusquam, qui à Sole emanat; sed is modō qui supremę terrę inditus est: peruenit calor; qui languens quidem, & idem penē factus illam occupat, & nihilo fortē per hyemem, quā per æstatem segnior: nam si directus Sol robustius agit, at robustius etiā

Terram

Terram patefaciens ingenito calori aditum aperit magis, elabendi itaque aditum is natus, summeque ad elabendum intentus minus ad profunda diffunditur; vnus itaque perpetuò pene profundiori inexistens terræ calor, bene eam uniformem in unam omnem agit rem, Afsiduè porro enascens, & maius factum mare, & tot auctum afsiduè fluijs, neque excrefcit unquam, nec tenuius fit, quòd aquæ hæc omnes, & quæ tenuiores à principio factæ fuerint; neque enim uel terra, è qua fit adeò similis, adeoque idem qui illam inuertit calor, ut in eandem penitus aquam agatur omnis; nec ulla eius pars alijs tenuior, minusque calida fiat. Tum quod maris à Sole afsiduè tenuius fit; non si quidem in uapores agens ipsum Sol, non in fluores prius agat. qui marinæ aquæ, uaporumque elabentium medij uideri possint. Aquæ inquam & illabentes, & decidentes, & quæ à principio salis mistæ factæ, & in quas salæ à Sole actæ fuere, in terram afsiduè illabuntur: quòd nisi id fiat, nisi scilicet hoc pacto tenuitas: qua afsiduè à Sole spoliatur. Terræ restituatur; uel deficiat tandem omnis: neque enim pluiæ illam seruent, ex illa eductæ & ipsæ, uel adeo arefcant densaque fiat, ut aquæ nullæ nulla amplius ex ea tenuitas educi possit. At neque uniuersi constitutio, quam uidemus, seruetur, neque unus omninò amplius permaneat, Mundus; si quidem terræ proximus Aer, à Sole è densissima illa resiliente iusto plus calefactus, amplificatusque pacto nullo loco, in quo est, contineri queat, nec uelit multò tenuior, multoque amplior factus; sed superiora petat; ubi ne scindatur, aut amplius fiat cælum, in stellam fortè cocat, Vacuus certe circa terram fiat locus: naturæ summè aduersum, exosumque mutuo contactu faueri uolenti entia, & mundum maximè unitum, atque unum esse; illa ne eueniat, tenuitas mari inexistens in terram afsiduè illabens præstat; materiam ijs, quæ afsiduè è Terra fiunt, ingènerandis præbens; diuinitus ita à conditore nostro prouisum, factumque:

ijs uiribus donato Sole, eaque à Terra locato di-

stantia; ijsque moto motibus, ut afsi-

duè Terra cùm inuertatur,

inuerti afsiduè

possit.



ALIDVM porro existens mare, & propterea motu, quo seruetur, atque oblectetur indigens, multò etiam quàm aquarum reliquarum amplius, quarum stagnantes, atque immobiles factæ corrumpi uidentur omnes; Et quo præterea solis actionem declinet, fugiatque; nec iusto plus in uapores soluat. Et per

se moueri impotens, non ea donatum tenuitate, ut ipsum se commouere queat: ab aliena utique vi si seruandum commouendum: ab uniuerso quidem cælo præcipuè uerò à longè robustissimo Sole commoueri, agitarique. Conditori placuit nostro, non quidem secum illud rapiente; neque enim fieri id queat; sed nappores, ut dictum est, in generante; qui scilicet egressum molientes, & egressu à superposito mari prohibiti; spiritus more in aqua ab igne ingeni, attollant ipsum, agitentque; propterea enim hæ feruent, intumescunt, atque agitantur: quod ingeni spiritus confertim elabens attollit uarieque exagitat non patentem præbentes egressum; separatæ itaque ad apertæque, ut elabenti illi exitus pateat, non amplius attolluntur: sed statim resident omnes; nusquam itaque penitus immobile, & penitus planum, sed semper agitari quid, & quid attolli semper apparet mare, ueluti quæ ebullire incipiunt aquæ: & Vere, atque Autumno maximè, minimè uerò Aestate, atque Hyeme, quod, ut in commentarijs de pluuijs expositum est, Medius Sol plurimos, crassioresque educit uapores: Robustissimus, longè tenuissimos, quales uel è crassiusculo egressum nascantur mari; nihil ipsum, quod uidere queas, attollentes, commouentes: læguidissimus per paucos, & qui superpositum mare attollere, & è constructo elabi impotentes tam diu retineantur: dum summè & ipsi tenues fiant; In plenilunijs itidè & in Nouilunijs maximè attolli, intumescereque uidetur mare: in illis quidem quæ multa à Luna resiliens lux, multos educit uapores: in his autem si Vere in his attollitur mare, quod refrigeratio aere sese colligit, atque unit internus maris calor; & ualens factus plures facit, atque emit tit uapores, ueluti & putealis aqua Borea spirante: Minimè in Lunæ quadratis, nec multa à Luna resiliente luce, nec in seipsum collecto proprio maris calore; Quin non attollunt modò mare qui elabuntur uapores, sed impellunt etiam, atque ad motum incitant, id quod palea aquarum superposita declarat, si quidem in suppositam

paleæ

paleæ aquam, ita Solis lux à speculo afsidue reflectatur: ut uapores qui afsidue fiunt, elabunturque ueluti à tergo paleam feriant, in anteriorem eam partem ferri intueare; & regredi rursus, si ex altera parte dicto modo reflectatur lux: ingenerat scilicet in aqua spiritum in eam reflexa lux, isque elabens in alteram partem superpositam aquam paleamque impellit: Non tanti porro afsidue mari ingeniti uapores qui ipsum afsidue attollant, impellantque, nec perpetuò attolli nec undiq; impelli uidetur mare, sed residere interdum, quiescereque: & in hanc modò refluerè partem, hinc modò refluerè: ibi nimirum attollitur, indeque impellitur mare; ubi uaporum copia subest, at ea elapsa residet, ibi; neque amplius inde agitur: at qui interea parte in altera uapores facti sunt, plures iam facti; & qui superpositam maris molem attollere queant, egressum hi molientes, attollunt ipsum, & elabentes in contrariam incitant partem; per uices itaque attolli, residereque, & fluere, ac refluerè uidetur mare: & ut plurimum æquali tempore, & sex horarum spatium utrumque: quòd nimirum eo in temporis spatio, tot mari ingenerantur uapores, qui tamdiu ipsum attollere, impellereque possint. Mira autem maris motus celeritas in angustijs, fretisque appareret, quòd per apertum fluens, nihilque à subsequente unquam impulsus, nihil est quod usquam motum concitet; at ubi in angustius agitur, nec uniuersum simul fluere potest, sed uel exigua sui parte tantum. quod remanet subsequents sursum impediens, retardansque, & propterea ab eo impulsus, stimulatusque motum acceleret: & præcedens impellat necesse est; At uniuersum, ut dictum est, ab elabentibus uaporibus sublatum, impulsusque, non æquè uniuersum attollitur, impelliturque, nec æquali tempore utranque in partem, Britannicum, & quod Britannico adiacet mare summè attolli, & sex horarum spatio in terras fluere, totidemque refluerè uidetur. Idem & Adriaticus sinus, at longè quàm Oceanus minus, Ligusti cum Tyrrenumque parum admodum, ut & sublatum, & impulsus latere possit; Mare iuxta Aethiopiam quod Cenege uocatur quatuor tantum horis fluere, octò refluerè apparet. Non atque scilicet profundum mare, nec ab æquè reflexa luce, calefactum uniuersum non eisdem omne emittit uapores, sed alibi longè plures, crassioresque; pauciores alibi, tenuioresque, id itaque summè attolli uideri potest: quòd breuius est, à cuius scilicet fundo robustior resilit lux: & inde etiam impelli magis, ubi breuior est fundus: fortè & non diuersa tantum profunditas diuersæ maris tumefactionis, diuersique motus causa uideri debet, sed diuersa itidem eius crassities.

sities; neq; enim uel uniuersa è terra æquè crassum mare educi, uel è diuersè eo crasso non diuersos uapores extrahi existimare licet; id certè tumesceri magis, & inde magis incitari uideri debet ubi plures, crassioresue fiunt uapores. At non per uices modò fluere, resfluereq; uidetur mare; sed est ubi fluminis more perpetuò in vnâ fluent partem, quod in Adriatico à Nautis obseruatum tradunt & in Mediterraneo itidem uniuerso, atque in Oceano amplius. Nauigatio itaq; ab Hispania ad insulas Occidentales, quas Columbus inuenit uiginti quatuor dierum spatio conficitur; at contra ab insulis ad Hispaniam, eadem propè usis uentorum ope non nisi triû, aut quatuor mensium tempore; Aquis nimirum occurrantibus, & in contrariam partem fluentibus. Idem & Lusitanis euenire aiunt, in Indiam superato Bonæ Spei promontorio, orientem uersus nauigantibus, atque inde redeuntibus; At Mediterraneum, atq; Adriaticum quasi circulo ferri. Illud enim ab Hellespôto ad Occidentè Solem per uniuersam Europæ oram ad columnas usq; Herculeas, & Gaditanum fretum: inde uerò per Africæ littora ad Aegyptum usque, & Syriam ad Orientem Solem: Adriaticum uerò dictum fortè continuans fluxum, per Illiriæ, Dalmatiæque oram Occidentem uersus ad intimum usque sinum, in quo Venetiæ sitæ sunt; at inde ad Meridiem flaminiam uersus flecti, ad Apuliam inde ad Orientè Solem: inde scilicet usque quaque mouetur mare, unde plures crassioresue elabuntur uapores: tales autem, tantique è minus profundo, ut existimare licet, mari. Iure igitur ab Hellesponto Occidentè uersus, è breuioribus nimirum Aristotelis testimonio in profundiora usque quaque maria, Aquas reliquas nequaquam impellere uidentur, qui ex ipsis elabuntur uapores, quòd in minus calidis, assidueque fluentibus, & Solis actionem ueluti fugientibus longe pauciores fiunt uapores, & elabentes eos nihil aquæ retinent liquidæ, tenuesque: At lacus tamen uidere est multos huc modò, modò illuc impulsos, at blande, leniterque, ab exiguis uaporib; non uastos ipsos, neque in angustum actos ullum, ubi clarior illorum appareat motus ueluti, & maris.

F I N I S.



Cum Licentia Superiorum.